

禮

記

箋

檀弓上第三

公儀仲子之喪檀弓免焉

故爲非禮以非仲子也禮朋友皆在他邦乃袒免○免者

以布廣一寸從項中而前交於額上又卻向後繞於髻○愚按免是五服之窮朋友亦有相免之禮檀弓或仲

子族人或朋友未可知要之必是當免不然方譏人非禮恐不當自爲非禮仲子舍其孫而

立其子

此其所立非也公儀蓋魯同姓周禮適子死立適孫爲後

檀弓曰何居我未

之前聞也

居讀爲姬姓之姬齊魯之間語助也前猶故也○方氏苞曰何居謂義何所處趨而

就子服伯子於門右曰仲子舍其孫而立其子何也

去賓

蓋仲係茂之玄孫子服景伯茂魯大夫位就主人兄弟之賢者而問之子服伯子

伯子曰仲子

亦猶行古之道也昔者文王舍伯邑考而立武王微子

舍其孫腓而立衍也夫仲子亦猶行古之道也

伯子爲親者隱

耳立子非也文之立武王權也

微子適子死立其弟衍殷禮也子游問諸孔子孔子曰

否立孫

據周禮

事親有隱而無犯

隱謂不稱揚其過失也無犯不犯顏而諫論語曰事父母幾諫

左右

就養無方

左右謂扶持之方猶常也子則然無常人

服勤至死致喪三年

勞

辱之事也致謂威容稱其服也凡此以思爲制

事君有犯而無隱

既諫人有問其國政者可

以語其得失若齊晏子爲晉叔向言之○愚按無隱以諫諍言

左右就養有方

不可服

勤至死方喪三年

方喪資於事父凡此以義爲制○愚按方喪之方與就養有方之方同爲

臣者尊卑內外各隨其方居喪事師無犯無隱左右就

之尚輕重不同但同是三年耳

養無方服勤至死心喪三年心喪戚容如父而無服也凡此以恩義之間爲制

季武子成寢

武子魯公子季友之曾孫季孫夙

杜氏之葬在西階之下

請合葬焉許之入宮而不敢哭武子曰合葬非古也自

周公以來未之有改也

自見夷人冢墓以爲寢欲文過也○方氏苞曰成寢而墓在階

下者蓋勞家縱侈作苑圃於郊野因成寢室以恣淫樂也

吾許其大而不許其細何

居命之哭

記此者善其不奪人之恩○愚按不奪人恩市其小善夷人之墓掩其大過者也太平御

覽五百五十五卷引晏子曰景公成路寢之臺達於何

遭晏子再拜前曰於何之母死兆在路寢之臺牖下願

請合骨晏子入白公公作色曰自古及今子亦嘗聞請

死人之墓故未嘗聞請葬人主之宮也嬰聞之生者不安命之曰畜憂死者不葬命之曰畜哀畜憂者怨畜哀者危君不如許之公曰諾遂於何遂葬路寢之臺牖下

子上之母死而不喪

子上孔子曾孫子思伋之子名白其母出

門人問諸子

思曰昔者子之先君子喪出母乎曰然

禮爲出母期父卒爲父後者不

服子之不使白也喪之何也子思曰昔者吾先君子無

所失道道隆則從而隆道污則從而污

污猶殺也有隆有殺進退如禮

○方氏苞曰疏以父在父沒別隆污非也伯魚子上皆爲父後之子而遇出母之喪皆父在之時張子謂道隆道污就所出之母以定之蓋伋則安能自子不能及爲伋也

妻者是爲白也母不爲伋也妻者是不爲白也母故孔

氏之不喪出母自子思始也

記禮所由廢非之

孔子曰拜而后稽顙顙乎其順也

此殷之喪拜也顙順也先拜賓順於事也

稽顙而后拜順乎其至也

此周之喪拜也順至也先觸地無容哀之至

三年

之喪吾從其至者

重者尙哀戚自期如殷可

孔子既得合葬於防

言既得者少孤不知其墓

曰吾聞之古也墓而

不墳

墓謂兆域今之封塋也古謂殷時也土之高者曰墳

今丘也東西南北之人

也不可以弗識也於是封之崇四尺

東西南北言居無常處也聚土曰封

封之周禮也周禮曰以爵等爲印封之度崇高也高四尺蓋周之士制○愚按據此記封之自孔子始矣注引周禮何也又今之周禮亦非孔子所見

孔子先反

當脩

門人後雨甚至

待

也封孔子問焉曰爾來何遲也曰防墓崩言所以遲者孔

子不應以其三三言之以孔子泣然流涕曰吾聞之古

不脩墓脩猶治也○愚按不脩墓即墓而不墳也

孔子哭子路於中庭寢中庭也與有人弔者而夫子拜

之爲之主也既哭進使者而問故使者自衛來赴者使者曰

醢之矣時衛世子蒯聩輒而立子路遂命覆醢覆棄

忍食○方氏苞曰醢朝夕必陳之物而可

曾子曰朋友之墓有宿草而不哭焉宿草謂陳根也爲

友期

師心喪三年於朋

子患曰喪三日而殯凡附於妻者必誠必信勿之有悔

焉耳矣三月而葬凡附於棺者必誠必信勿之有悔焉

耳矣

言其日月欲以盡心脩備之附於身謂衣衾附於棺謂明器之屬

喪三年以爲極

亡

夫已久遠而除其喪○愚按王肅以極字絕句則弗亡字連下讀是也亡當爲事亡如事存之亡

則弗

之忘矣

則之言會

故君子有終身之憂

念其親

而無一朝之患

毀不滅性

故忌日不樂

謂死日言忌日不用舉吉事

孔子少孤不知其墓

孔子之父耶叔梁紇與顏氏之女微在野合而生孔子微在恥焉不

告

殯於五父之衢

欲有所就而問之孔子亦爲隱焉殯於家則知之者無由怪己欲發問端

五父衢名蓋

人之見之者皆以爲葬也

見柩行於路

其慎也



蓋殯也

慎當爲引禮家讀然聲之誤也殯引飾棺以鬻

時人見者

問於耶曼父之母然後得合葬於防

曼父之母與徵

在爲鄰相善○愚按慎讀如字葬也其慎也爲一句蓋殯也連下讀古墓不墳孔子雖知墓所不能的知壙穴

所在葬時殯過五父衛衛中人皆病議以爲葬須慎也

不知其先殯時蓋已問鄰媪能識舊事者耶曼父母告

以墓穴所在矣此記聖人慎終之禮○父墓所以須問節事記者

文不次耳鄰有喪春不相里有殯不巷歌

皆所以助哀也相喪冠

不綏去

有虞氏瓦棺

始不用薪也夏后氏塋周火熱曰塋燒土

有虞氏上陶

夏后氏塋周

治以周於棺也

或謂之七周凶是也弟子職曰右手折塋○愚按管子  
云左手執燭右手折即即燭頭燼也塋即同塋周者陸  
德明引何氏云治上為帳四  
周於棺按此即為櫛之始也  
也般人  
上梓  
周人牆置髮  
言後王之制文  
周人以般人之棺

武棺葬無服之殤

略未成人

夏后氏尙黑

以建寅之月為正物生色黑

大事斂用昏

昏時亦黑此大事謂喪事

也戎事乘驪

戎兵也馬黑色曰驪爾雅曰騂牡驪牡玄

牲用玄

玄黑也般人商

白以建丑之月為正物牙色白

大事斂用日中

日中時亦白

戎事乘翰

白馬也易曰白馬翰如

牲用白

以建子之月為正物萌色赤

大事斂

用日出

日出時亦赤

戎事乘騾

騾馬白腹

牲用騂

騂赤類

穆公之母卒

穆公魯哀公之曾孫

使人問於曾子曰如之何

問居喪之

禮曾子曾參之子名申

對曰申也聞諸申之父曰哭泣之哀齊斬

之情簞粥之食自天子達

子喪父母尊卑同

布幕衛也繆幕魯

也

幕所以覆棺上也繆繆也繆繆如納衛諸侯禮魯天子禮兩言之者借已久矣幕或爲辟

晉獻公將殺其世子申生

信驪姬之譖

公子重耳謂之曰子

蓋言子之志於公乎

蓋皆當爲蓋蓋何不也志意也重耳欲使言見譖之意重耳申生異

曰弟後立爲文公

世子曰不可君安驪姬是我傷公之心也

其言

意則驪姬必誅也驪姬獻公伐驪戎所獲女也申生之母蚤卒驪姬娶焉

曰然則蓋行乎

行猶

也世子曰不可君謂我欲弑君也天下豈有無父之國

哉吾何行如之言人有父則皆惡欲弑父者使人辭於狐突曰申生

有罪不念伯氏之言也以至于死申生不敢愛其死猶辭

古也狐突申生之傅舅犯之父也前此者獻公使申生伐東山皋落氏狐突謂申生欲使之行今言此者謝之

伯氏狐突別氏雖然吾君老矣子少國家多難子驪姬之伯氏

不出而圖吾君則圖猶謀也自皋落氏反後狐突懼乃稱疾伯

氏苟出而圖吾君申生受賜而死賜猶惠也再拜稽首乃卒

既告狐突乃雉經是以爲恭世子也言行如此可以爲恭於孝則未之有

魯人有朝祥而莫歌者子路笑之笑其爲樂速夫子曰由爾

責於人終無已夫三年之喪亦已久矣夫

為時如此人行三年喪者

希抑子路以善彼

子路出夫子曰又多乎哉踰月則其善也

又復

也○愚按聖人責人尚寬執禮尚嚴

魯莊公及宋人戰于乘丘

十年

縣賁父御卜國為右

卜縣

皆氏也凡車右勇力者為之

馬驚敗績

驚奔失列

公隊佐車授綏

戎車之貳曰佐

授綏公曰末之卜也

末之猶微哉言卜國無勇○愚按未猶莫也卜占也馬驚墜車御者

之罪公自追咎初未嘗占卜其人而誤用也

縣賁父曰他日不敗績而今敗

績是無勇也

公他日戰其御馬未嘗驚奔

遂死之

二人赴圍人浴馬敵而死

有流矢在白肉

圍人掌養馬者白肉股裏肉

公曰非其罪也

流矢中馬非御

與百遂誅之誅其赴敵之功以爲諡

士之有誅自此始也

記禮失所由來

也周雖以士爲爵猶無諡也殷人夫以上爲爵

曾子寢疾病

病謂疾困

樂正子春坐於牀下

子春曾參弟子

曾元曾

申坐於足

元申曾參之子

童子隅坐而執燭

隅坐不與人竝

童子曰

華而晄大夫之簀與

華畫也簀謂牀第也說者以晄爲刮節日字或爲刮○愚按晄好貌

詩云晄子春曰止

以病困不可動

曾子聞之瞿然曰呼

呼虛僂之聲

曰華而晄大夫之簀與曾子曰然斯季孫之賜也我未

之能易也元起易簀

未之能易已病故也

曾元曰夫子之病革矣

不可以變幸而至於旦請敬易之

言夫子者曾子親悅之後齊嘗聘以爲卿

而不爲也革急也

曾子曰爾之愛我也不如彼

彼童子也

子之愛人也以德

成己之德

細人之愛人也以姑息

息猶安也言苟

容取安也

吾何求哉吾得正而斃焉斯已矣

斃仆也

舉扶而易

之反席未安而沒

言病雖困猶勤於禮

始死充充如有窮既殯瞿瞿如有求而弗得既葬皇皇

如有望而弗至練而慨然祥而廓然

皆憂悼在心之貌也求猶索物○愚

按充充悲哀填滿之貌瞿瞿遽瞻顧之貌皇皇猶栖栖無依之貌廓寥廓空虛之貌

邾婁復之以矢蓋自戰於升陘始也

戰於升陘魯僖二十二年秋也時師

雖慘死傷亦甚無衣可以招魂

魯婦人之髮而弔也自敗於臺鮑始也

敗於臺鮒得襄四年秋也臺當爲壺字之誤也春秋傳作孤鮒時家家有喪髮而相弔去纜而紒曰髮禮婦人弔服大夫之妻錫衰士之妻則疑衰與皆吉笄無首素總○愚按孔子之喪門人疑所服疏引鄭司農云疑衰十四升康成云疑之言擬也擬於吉服謂比擬吉服十五升也

南宮縚之妻之姑之喪

南宮縚孟僖子之子南宮闕也字子容其妻孔子兄女

夫

子海之壘曰爾毋從從爾爾母扈扈爾

誨教爾女也從從謂大扈扈

謂大扈爾語助○愚按從從長也扈扈廣也爾雅云山卑而大扈

蓋榛以爲笄長尺而

總八寸

總束髮垂爲飾齊衰之總八寸

孟獻子禫縣而不樂比御而不入

可以御婦人矣尚不復寢孟獻子魯大夫

仲孫

夫子曰獻子加於人一等矣

加猶踰也



孔子既祥五日彈琴而不成聲

哀未忘

十日而成笙歌

禮

且異句也祥亦凶事用遠日五日彈琴十日笙歌除由外也琴以手笙歌以氣

有子蓋既祥而絲履組纓

譏其早也禮既祥白履無絢

若 稿冠素紕有子孔子弟子有

死而不弔者三

謂輕身忘孝也

畏

人或時以非罪攻已不能有

○慮按畏凡惟怯憂懼而死皆是

厭

險之下溺傷死之禮起於生前之

恩義設周親昵好而死於非命則隱痛更深豈反不弔蓋奔赴而號泣呼搶不復置弔辭以重傷主人之心也

子路有姊之喪可以除之矣而弗除也孔子曰何弗除

也子路曰吾寡兄弟而弗忍也孔子曰先王制禮行道

之人皆弗忍也

○行道猶行仁義  
○愚按道路也

子路聞之遂除之

大公封於營丘比及五世皆反葬於周

齊大公受封  
爲大師死葬於

周子孫生焉不忍離也五世之後乃葬於齊齊

曰營丘○愚按五世反葬周顧炎武深不信之君子曰

樂樂其所自生禮不忘其本

言其似禮樂之義

古之人有言曰

狐死正丘首仁也

正丘首正首丘也仁恩也

伯魚之母死期而猶哭

伯魚孔子子也名鯉猶尙也○方氏苞曰爲父後者爲出母無

服而伯魚得爲期何也爲出母無服喪者不祭故也父在則父主祭嗣舉奠之禮輕雖暫廢可也此聖人緣情

而變禮者夫子聞之曰誰與哭者門人曰鯉也夫子曰嘻其

甚也

嘻悲恨之聲

伯魚聞之遂除之

舜葬於蒼梧之野

舜征有苗而死因畱葬焉書說舜曰

郡蓋三妃未之從也

古者不合葬帝嚳而立四妃矣象

小者爲次妃帝堯因焉至舜不告而取不立正妃但三妃而已謂之三夫人離騷所歌湘夫人舜妃也夏后氏增以三二而九合十二人春秋說云天子取十二卽夏制也以虞夏及周制差之則殷人又增以三九二十七合三十九人周人上法帝嚳立正妃又三二十七爲八十一人以增之合百二十一人其位后也夫人也嬪也世婦也女御也五者相參以定尊卑○疏云大戴禮帝繫篇云帝嚳卜四妃之子皆有天下鄭此注用帝繫之文及注詩生民之篇以爲姜嫄季武子曰周公蓋耐是合高辛之世妃用命歷序之文耐謂合葬合葬自周公以來

曾子之喪浴於爨室

見曾元之辭易簣橋之以謙儉也禮死浴於適室○愚按曾子大賢

必不爲此疑爲墨氏之學者託焉

大功廢業或曰大功誦可也

許其口皆故也

子張病召申祥而語之曰君子曰終小人曰死

申祥子張子欲

使執喪成己志也死之言漸也事卒爲終消盡爲漸太史公傳曰子張姓顓孫今日申祥周秦之聲二者相近未聞孰是○齊召南曰顓孫是複姓申祥則二名也何乃疑申聲近顓而爲一姓乎注似誤

吾今日

其庶幾乎

言易成也

曾子曰始死之奠其餘闕也與

不容改新闕度藏食物

曾子曰小功不爲位也者是委巷之禮也

議之也位謂以親疏敘列

哭也委巷猶街里委曲所爲也

子思之哭嫂也爲位

善之也禮嫂叔無服○愚按尙書古

文疏證二卷第十七條云檀弓誤解子思之哭嫂也爲位婦人倡踊康成以子思卽孔伋皇氏以爲原憲字子思皇氏說是蓋仲尼弟子列傳原憲字子思又弟子燕伋字思家語作子思當時固有子思矣奈何必取我乃無兄之子思坐以哭嫂哉○鄭志子思有兄必非適子子考孔子世家自伯魚至子慎凡七世悉單傳無有兄若弟婦人倡踊有服者娣姒婦者云云婦人倡踊小功倡先也申祥之哭言思也亦然說者云言思子游之子申祥妻之昆弟亦無服過此以往往獨哭不爲位○愚按昆弟之妻相爲小功妻之昆弟爲之大功故皆爲位

陳注謂申祥非禮恐未然

古者冠縮縫今也衡縫縮從也今禮制衡讀爲橫故喪

冠之反吉非古也解時人之惑喪冠縮縫古冠耳○愚按古冠吉凶皆直縫今吉冠橫縫喪

冠直縫與吉相反是周之制故云非古

曾子問子思曰伋吾執親之喪也水漿不入於口者七

日言己以疾時禮而不如○方氏苞曰曾子至性過人  
日每疑古禮或失於寡恩小功不稅及朋友之墓有宿  
草而不哭是也具執親喪自覺三日不食於哀親之分  
謂若未盡故與子思商論而子思直言其不可過注謂  
以疾時禮之不  
如己失之矣子思曰先王之制禮也過之者俯而就

之不至焉者跂而及之故君子之執親之喪也水漿不

入於口者三日杖而后能起

爲曾子言難  
繼以禮抑之

曾子曰小功不稅

據禮而言也日月已過乃聞喪而則  
服曰稅大功以上然小功輕不服則

是遠兄弟終無服也

言相離遠者  
聞之恆晚

而可乎

以己恩  
怪之

伯高之喪

伯高死時在衛  
未聞何國人

孔氏之使者未至

謂賻  
贈者

冉子

攝束帛乘馬而將之

冉子孔子弟子冉有攝猶貸也

孔子曰異哉徒使

我不誠於伯高

徒猶空也禮所以副忠信也忠信而無禮何傳乎○方氏苞曰注宜作忠信則

無禮何傳乎

伯高死於衛赴於孔子

赴告也凡有舊恩者則使人告之

孔子曰吾惡

乎哭諸

以其交會尚新

兄弟吾哭諸廟

○愚按禮家之說兄弟與昆弟異兄弟謂同祖

若同會高祖者

父之友吾哭諸廟門之外

別親疏也

師吾哭諸寢朋

友吾哭諸寢門之外所知吾哭諸野

別輕重也

於野則已疏

於寢則已重

已猶大也○愚按寢謂寢門之外也文省耳

夫由賜也見我吾

哭諸賜氏

本於恩哭於子貢寢門之外

遂命子貢爲之主

明恩所由

曰爲

爾哭也來者拜之知伯高而來者勿拜也

異於正主

曾子曰喪有疾食肉飲酒必有草木之滋焉

增以香味爲其疾不

皆以爲薑桂之謂也

爲記者正曾子所云草木滋者謂薑桂○愚按薑桂辛香性能已疾

酒肉之中名加二物

子夏喪其子而喪其明

明目精

曾子弔之曰吾聞之也朋

友喪明則哭之

痛

曾子哭子夏亦哭曰天乎子之無罪

也

怨天罰無罪

曾子怒曰商女何無罪也吾與女事夫子於

洙泗之間

言其有師也洙泗魯水名

退而老於西河之上

西河龍門至華陰之

地使西河之民疑女於夫子爾罪一也

言其不稱師也○愚按疑當同



疑蘇子瞻謂與易陰疑於陽之疑同是也又按禮射義不以公卿爲賓而以大夫爲賓爲疑也注云疑自上下至之辭也疏亦云疑疑也是在下喪爾親使民未有聞比疑於上故云自上下至之辭也

焉爾罪二也

言居親喪無異稱

喪爾子喪爾明爾罪三也

言陸於妻

子而曰女何無罪與子夏投其杖而拜曰吾過矣吾過

矣謝之且服罪也

吾離羣而索居亦已久矣

羣謂同門朋友也索猶散也○愚按

索蕭索也獨居心不安易曰震索索

夫晝居於內問其疾可也

似有疾

夜居於外弔之可也

似有

喪

是故君子非有大故不宿於外

大故謂喪憂

非致齊也非

疾也不晝夜居於內

內正寢之中○愚按正寢別於燕寢也經傳中內外所指各異此云

齊在內祭統云。佔致齊於外。夫人致齊於內。則對夫人之寢爲內外耳。

高子皋之執親之喪也。

子皋孔子弟子名柴。○愚按子皋史記及論語作羔。古字通。

泣血三年。

言泣無聲如血出。

未嘗見齒。

言笑之微。

君子以爲難。

言人不能

然。

衰與其不當物也寧無衰。

惡其亂禮不當物謂精粗廣狹不應法制。

齊衰不

以邊坐大功不以服勤。

爲褻喪服邊偏倚也。○愚按邊隅也。卽隅坐也。蓋謂有喪不與人共坐耳。大功廢業故不以服勤。

孔子之衛遇舊館人之喪。

前日君所使舍己。

入而哭之哀。出使

子貢說驂而賻之。

賻助喪用也。驂馬曰驂。

子貢曰於門人之喪未

有所說驂說驂於舊館無乃已重乎

言說驂大重比於門人恩爲偏頗

夫子曰子鄉者入而哭之過於一哀而出涕

遇見也舊館人恩雖

輕我入哭見主人爲我盡一哀是以厚恩待我我爲出涕恩重宜有施惠

子惡夫涕之無從

也小子行之

客行無他物可以易之者使遂以往

孔子在衛有送葬者而夫子觀之曰善哉爲喪乎足以

爲法矣小子識之子貢曰夫子何善爾也曰其往也如

慕其反也如疑

慕謂小兒隨父母啼呼疑者哀親之在彼如不欲還然

子貢曰豈

若速反而虞乎

疾速

子曰小子識之我未之能行也

哀戚本也

祭祀未也心方氏苞曰未之能行非謙言也聖人明於幽明死生鬼神反不能有如慕如疑之情狀也

顏淵之喪微祥肉

饋遺也

孔子出受之入彈琴而后食之

彈琴以散哀也

孔子與門人立拱而尚右二三子亦皆尚右

微孔子也

曰二三子之嗜學也

嗜貪

我則有姊之喪故也二三子皆

尚左

復正也喪尚右有陰也吉尚左左陽也○愚按尚上也古通用吉尚左者拱而左手在上

孔子蚤作

起作

負手曳杖消搖於門

欲人之怪己○陸德明曰消搖本又作逍

遙○方氏苞曰消搖於門蓋全其所受而歸故知將死而志氣甚自得也注疏失之歌曰泰山其

頽乎

泰山眾山所仰

梁木其壞乎

梁木眾木所放

哲人其萎乎

哲人所眾人所

仰放也以上二句喻之

萎病也詩云無木不萎

既歌而入當戶而坐

蚤坐急見人也

豈已哉擯弓上

行

貢聞之曰泰山其頽則吾將安仰梁木其壞哲人其萎

則吾將安放夫子殆將病也

覺孔子歌意殆幾也○謝枋得曰劉向書美中家藏

古本禮記梁木其壞下有則吾將安仗五字文義更順齊召南曰好事者爲之○疏云放依也論語云放於利

而行遂趨而入夫子曰賜爾來何遲也

坐則望之

夏后氏殯於

東階之上則猶在阼也殷人殯於兩楹之間則與賓主

夾之也周人殯於西階之上則猶賓之也

以三王之禮占己夢而

丘也殷人也予疇昔之夜夢坐奠於兩楹之間

是夢坐兩楹之

間而見饋食也言奠者以爲凶象疇發聲也昔猶前也

夫明王不興而天下其孰

能宗子子殆將死也

孰誰也宗尊也兩楹之間南面鄉明人君聽治正坐之處今無明王

誰能尊我以爲人君乎是我殷命家奠殯之象以此自知將死

蓋寢疾七日而沒

明聖人知

孔子之喪門人疑所服

無喪師之禮

子貢曰昔者夫子之喪

顏淵若喪子而無服喪子路亦然請喪夫子若喪父而

無服

無服不爲衰弔服而加麻心喪三年○疏云弔服加麻麻謂經與帶也皆麻爲之

孔子之喪公西赤爲志焉

公西赤孔子弟子字子華志謂章識

飾棺牆

障柩猶垣

置髮

牆柳衣髮以布衣木如禭與○疏云禭

年傳曰屏攝章昭云屏屏風也

設披周也設崇殷也綢

練設旒夏也

夫子雖殷人兼用三王之禮尊之披柩行夾引棺者崇牙旌旗飾也綢練以練綢旌

之杠此旌葬乘車所建也旌之旗纒布廣充幅長尋曰旒爾雅說旌旗曰素錦綢杠○愚按雖兼用三王之禮亦皆大夫之制

子張之喪公明儀爲志焉

志亦謂章識

褚幕丹質

爲丹布幕

棺不斂

蟻結于四隅

畫褚之四角其文如蟻行往來相交錯蟻蚍蜉也殷之蟻結似今蛇

文殷士也

學於孔子做殷禮○愚按丹質非殷所尙色知此節亦不純殷制○齊召南曰周人而用

殷制必周之喪禮本兼二代而聽人所爲也

子夏問於孔子曰居父母之仇如之何夫子曰寢苫枕

干不仕

雖除喪居處猶若喪也干盾也

弗與共天下也

不可以並生

遇諸市

朝不反兵而鬪

言雖適市朝不釋兵

曰請問居昆弟之仇如之何

曰仕弗與共國銜君命而使雖遇之不關爲負而曰請

問居從父昆弟之仇如之何曰不爲魁魁猶首也天文

爲主人能則執兵而陪其後爲其負

孔子之喪二三子皆經而出尊師也出謂有所之適然

羣居則經出則否羣謂七十二弟子相爲朋友

易墓非古也易謂芟治草木不易者上陵也○愚謂易墓恐是遷葬

子路曰吾聞諸夫子喪禮與其哀不足而禮有餘也不

若禮不足而哀有餘也喪主祭禮與其敬不足而禮有

餘也不若禮不足而敬有餘也祭主



管子弔於負夏

負夏地

主人既祖填池

祖謂移柩車去載處爲行始也填池

當爲奠微聲之誤也奠微謂微遣奠設祖奠○陸德明曰填池盧王並如字○方氏苞曰既夕禮朝祖之後載

柩而束之商祝飾柩一池設披屬引所謂填池即繫魚

下垂池中所謂魚躍拂池也於是商祝御柩乃祖而婦

人降於階間蓋曰御柩則已轉柩而鄉南矣故推柩而

反之降婦人而行受弔之禮記文辭事本明注疏未喻

其義○愚按方氏苞說亦非也按小爾雅廣名篇曰埋

柩謂之疎疎坎謂之池然則填池者卽謂塞其疎坎之

池耳釋文填池盧王推柩而反之反於載處榮曾降婦

也如字意蓋如此

人而后行禮禮既祖而婦人降今反柩婦人禘之復升

賓於此婦從者曰禮與之怪曾子曰夫祖者且也且未定

人皆非

且胡爲其不可以反宿也給說○愚從者又問諸子游

謂傳者誣

且胡爲其不可以反宿也

曰禮與

疑曾子言非

子游曰飯於牖下小斂於戶內大斂於

阼殯於客位祖於庭葬於墓所以卽遠也故喪事有進

而無退

明反柩非

曾子聞之曰多矣乎予出祖者

善子游言且服

曾子襲裘而弔子游裼裘而弔曾子指子游而示人曰

夫夫也爲習於禮者如之何其裼裘而弔也

曾子蓋知臨喪無飾

夫夫猶言此丈夫也

主人旣小斂袒括髮子游趨而出

襲裘帶經而入

於主人變乃變也所弔者朋友○愚按鄭知所弔爲朋友者以其加帶也非朋

友首經而已

曾子曰我過矣我過矣夫夫是也

服且善子游

子夏旣除喪而見

見於孔子

子之琴和之而不和彈之而不

成聲

樂由人心

作而曰哀未忘也先王制禮而弗敢過也

起作

子張既除喪而見予之琴和之而和彈之而成聲作而

曰先王制禮不敢不至焉

雖情異善同俱順禮

司寇惠子之喪

惠子衛將軍文子彌牟之弟惠叔蘭也生虎者

子游爲之麻衰

牡麻經

惠子廢適立庶爲之重服以譏之麻衰以吉服之布爲衰○愚按經首經也朋友死於他邦而

無主者爲之袒免皆在家則弔服加麻加麻者素弁上加總之環經也此牡麻經制倣袒免而重於弁經故曰

重服也惠子廢適立庶子游欲比之朋友無主者故特爲重服譏切之

文子辭曰子辱與

彌牟之弟游

謝其存時

又辱爲之服敢辭

止之服也

子游曰禮也

文子退反哭

子游名習禮文子亦以爲當然未覺其所譏

子游趨而就諸臣

之位

深譏之大夫之家臣位在賓後

文子又辭曰子辱與彌牟之弟游

又辱爲之服

又辱臨其喪敢辭

止之在臣位

子游曰固以請

再不從命

文子退扶適子南面而立曰子辱與彌牟之弟游

又辱爲之服又辱臨其喪虎也敢不復位

覺所譏也虎適子名文子

親夫而辭敬子游也南面而立則諸臣位在門內北面明矣

子游趨而就客位行所譏

愚按客位在門東北面近北諸臣位近南

將軍文子之喪既除喪而后越人來弔主人深衣練冠

待于廟垂涕洟

主人文子之子簡子取也深衣練冠凶服變也待于廟受弔不迎賓也

子

游觀之曰將軍文氏之子其庶幾乎亡於禮者之禮也

其動也中中禮之變

幼名冠字五十以伯仲死諡周道也經也者實也所以表哀

戚掘中霤而浴毀竈以綴足及葬毀宗躐行出于大門

殷道也明不復有事於此周人浴不掘中霤葬不毀宗躐行毀宗毀廟門之西而出行神之位在廟門

外學者行之學於孔子者行之倣殷禮

子柳之母死子碩請具具葬之器用子柳魯叔仲皮之子子碩兄子柳曰何

以哉言無其財子碩曰請粥庶弟之母粥謂嫁之也妾賤取之曰買子柳

曰如之何其粥人之母以葬其母也不可忠既葬子碩

欲以賻布之餘具祭器古者謂錢為泉布所以通布貨財子柳曰不可

吾聞之也君子不家於喪

惡因死者以爲利

請班諸兄弟之貧

者

以分死者所矜也祿多則與鄰里鄉黨

君子曰謀人之軍師敗則死之謀人之邦邑危則亡之

利已亡眾非忠也言亡之者雖辟賢非義退○方氏苞曰春秋傳宋鄭有難華元子產皆出奔國人復之而後入蓋時勢所宜也注謂非義退苟非義則不當著爲教矣

公叔文子升於瑕丘蘧伯玉從

二子衛大夫文子獻公之孫名拔

文子

曰樂哉斯丘也死則我欲葬焉蘧伯玉曰吾子樂之則

瑗請前

刺其欲害人耳田瑗伯玉名

弁人有其母死而孺子泣者

言聲無節

孔子曰哀則哀矣

此誠

哀而難爲繼也

失禮中

夫禮爲可傳也爲可繼也故哭踊

有節

○方氏苞曰鳥獸失羣匹鳴號踴亦有如不欲生者而過時則忘故君子貴有繼也爲可傳謂他

人易從爲可繼謂本身難繼

叔孫武叔之母死

武叔公子牙之六世孫名州仇毀孔子者既小斂舉者出

尸出戶袒且投其冠括髮

尸出戶乃變服失哀節冠素委貌

子游曰知

禮

嗟之○愚按此句可疑或有闕文不然且惑人

扶君卜人師扶右射人師扶左

謂君疾時也卜當爲僕聲之誤也僕人射人皆

平生時贊正君服位者○愚按卜人掌占筮者師長也君薨以是舉禮射人大喪

與僕人

遷尸

從母之夫舅之妻二夫人相爲服君子未之言也二夫人猶

言此二人也時有此二人同居死相爲服者甥居外家而非之○愚按此言姨夫舅母無服耳從母及舅皆外

甥稱謂之辭孔疏其明或曰同爨總以同居生

喪事欲其縱縱爾趨事貌縱讀如總領之吉事欲其折

折爾安舒貌詩云好人提提○愚按縱直去貌故喪事雖遽不陵節吉

事雖止不怠陵躓也止立俟故騷騷爾則野謂大疾○愚按騷擾

勦鼎鼎爾則小人謂大舒○愚君子蓋猶猶爾疾舒之中○愚

按猶與由古通用由由自得貌出孟子

喪具君子恥具不懷也喪一日二日而可爲也者君

禮記檀弓上



子弟爲也

謂絞紼衾冒

喪服兄弟之子猶子也蓋引而進之也嫂叔之無服也

蓋推而遠之也

或引或推重親遠別○朱軾曰喪服記夫之所爲兄弟服妻降一等乃後人杜

撰勉齋經傳通解剛之是也

姑姊妹之薄也蓋有受我而厚之者也

欲其一心於厚之者姑姊妹嫁大功夫爲妻期

食於有喪者之側未嘗飽也

助哀戚也○舊說此節首脫孔子字

曾子與客立於門側其徒趨而出

徒謂客之徒

曾子曰爾將

何之曰吾父死將出哭於巷

以爲不可發於人之館

曰反哭於爾

次舍也禮館人使

專之若其自有然曾子北面而弔焉

孔子曰之死而致死之不仁而不可爲也之死而致生

之不知而不可爲也也之往也死之生之謂無知與有知也爲猶行也○愚按致至也謂以

人意極

是故竹不成用瓦不成味木不成斲

成猶善也竹不可善

荒內切說文云洒面也古文作頰味讀如字言瓦器粗

則飲食有味也成就也琴瑟張而不平竽笙備而不和

無宮商

有鐘磬而無篋虞

不縣之也橫曰篋植曰虞

其曰明器神明

之也

言神明死者也神明者非人所知故其器如此

有子問於曾子曰問喪於夫子乎

有子孔子弟子有若也夫子卒後問此庶

昭公孫於齊日喪人其何稱

日聞之矣喪欲速貧死欲

速朽有子曰是非君子之言也

貧朽非人所欲

曾子曰參也聞

諸夫子也有子又曰是非君子之言也曾子曰參也與

子游聞之有子曰然然則夫子有爲言之也曾子以斯

言告於子游子游曰甚哉有子之言似夫子也昔者夫

子居於宋見桓司馬自爲石椁三年而不成

桓司馬宋向戌之孫

名夫子曰若是其靡也死不如速朽之愈也死之欲速

朽爲桓司馬言之也

靡

南宮敬叔反必載寶而朝

敬叔魯孟

僖子之子仲孫閱蓋嘗失位去魯得反載其寶來朝於君

夫子曰若是其貨也喪不

如速貧之愈也喪之欲速貧爲敬叔言之也曾子以子

游之言告於有子曰然吾固曰非夫子之言也曾

子曰子何以知之有子曰夫子制於中都四寸之棺五

寸之椁以斯知不欲速朽也

中都魯邑名也孔子嘗爲之宰爲民作制孔子由中

都宰爲司空由司空爲司寇昔者夫子失魯司寇將之荆

將應聘於楚蓋

先之以子夏又申之以冉有以斯知不欲速貧也

言汲汲於

仕侍祿○愚按此章記三子嗜學

陳莊子死赴於魯魯人欲勿哭

君無哭鄰國大夫之禮陳莊子齊大夫陳恆之

孫名繆公召縣子而問焉縣子曰古之大夫束脩之間

不出竟雖欲哭之安得而哭之

以其不外交

今之大夫交政

於中國雖欲勿哭焉得而弗哭

言時君弱臣強政得大  
夫專盟會以交接○愚

按注得字誤  
疑當爲逮字

且臣聞之哭有二道有愛而哭之有畏而

哭之

以權微  
勸之

公曰然然則如之何而可縣子曰請哭諸

異姓之廟

明不  
當哭

於是與哭諸縣氏

仲憲言於曾子曰夏后氏用明器示民無知也

所謂致  
死之仲

憲孔子弟  
子原憲

殷人用祭器示民有知也

所謂致  
生之

周人兼用

之示民疑也

言使民疑於  
無知與有知

曾子曰其不然乎其不然乎

非其說  
之非也

夫明器鬼器也祭器人器也夫古之人胡爲而

死其親乎

言仲憲之言三者皆非  
此或用鬼器或用人器

公叔木有同母異父之昆弟死問於子游

木當爲朱春秋作成衛公

叔文子之子定公十四年奔魯

子游曰其大功乎

疑所服也親者屬大功是

狄儀有

同母異父之昆弟死問於子夏子夏曰我未之前聞也

魯人則爲之齊衰狄儀行齊衰今之齊衰狄儀之問也

○愚按齊衰三月也○方氏苞曰同母異父則途之人

也○愚按齊衰三月也○方氏苞曰同母異父則途之人

魯人亦心知其非而給託聖門諸賢之言以自解飾歟

○愚按春秋傳聲伯以其外弟爲大夫又嫁其外妹於

也○愚按齊衰三月也○方氏苞曰同母異父則途之人

也○愚按齊衰三月也○方氏苞曰同母異父則途之人

也○愚按齊衰三月也○方氏苞曰同母異父則途之人

也○愚按齊衰三月也○方氏苞曰同母異父則途之人

也○愚按齊衰三月也○方氏苞曰同母異父則途之人

也○愚按齊衰三月也○方氏苞曰同母異父則途之人

也○愚按齊衰三月也○方氏苞曰同母異父則途之人

也○愚按齊衰三月也○方氏苞曰同母異父則途之人

也○愚按齊衰三月也○方氏苞曰同母異父則途之人

也○愚按齊衰三月也○方氏苞曰同母異父則途之人

不謂無服也方氏苞之言恐非禮意

子思之母死於衛

子思孔子孫伯魚之子伯魚卒其妻嫁於衛

柳若謂子思

曰子聖人之後也四方於子乎觀禮子蓋慎諸

柳若衛人也見

子思欲爲嫁母服悉其失禮戒之嫁母齊衰期

子思曰吾何慎哉吾聞之有其

禮無其財君子弗行也

謂時可行而財不足以備禮

有其禮有其財

無其時君子弗行也

謂財足以備禮而時不得行者

吾何慎哉

時所止則止時

所行則行無所疑也喪之禮如子贈祔之屬不踰主人  
○方氏苞曰禮父沒爲父後者於出母無服則嫁母亦  
宜同無所用慎也不忍質言其故故以無其時爲辭蓋  
母死於父沒之後而已爲父後則無禮之可行矣○愚  
按鄭志答張逸問云子思哭嫂爲位必非適子又疏引  
譙周袁準並云父卒母嫁非父所絕嫡子雖主祭猶宜

服期此並異  
說當更詳之

縣子瑱曰吾聞之古者不降上下各以其親

古謂殷時也上不降

遠下不降與○愚按各以其親明不以爵也周制貴者於賤者旁親皆降

滕伯文爲孟虎齊

襄其叔父也爲孟皮齊襄其叔父也

伯文殷時滕君也爵爲伯名文

后木曰喪吾聞諸縣子曰夫喪不可不深長思也

后木魯孝

公子惠伯

買棺外內易我死則亦然

此孝子之事非所託○愚按易治也

曾子曰尸未設飾故帷堂小斂而徹帷仲梁子曰夫婦

方亂故帷堂小斂而徹帷

斂者動搖尸帷堂爲人褻之言方亂非也仲梁子魯人也

○愚按尸未設飾未奠斂也

小斂之奠子游曰於東方曾子曰於西



方斂斯席矣

曾子以俗說非又大斂奠於堂乃有席○堂當爲室

小斂之奠在西

方魯禮之末失也

末世失禮之爲

縣子曰給衰總裳非古也

非時尙輕涼慢禮○陸德明曰給粗葛也布細而疎曰總

子蒲卒哭者呼滅

滅蓋子蒲名○愚按哭謂始死時也禮復稱名哭不稱名喪大記云唯哭

先復復而後行死事鄭注氣絕則哭哭而復復而不蘇可以爲死事然則此哭呼滅在未復之前非禮矣故改

之子臯曰若是野哉

非之也唯復呼名子臯孔子弟子高柴

哭者改之

杜橋之母之喪宮中無相以爲沽也

沽猶略也

夫子曰始死羔裘玄冠者易之而已羔裘玄冠夫子不

以弔

不以吉服弔喪

子游問喪具夫子曰稱家之有亡子游曰有亡惡乎齊

惡乎齊問夫子曰有毋過禮苟亡矣斂首足形形還葬

帶之謂便也言已縣棺而封不設碑緯不備禮封當爲

斂卽葬不待三月縣棺而封窆窆下棺也春秋昭十二

平傳人豈有非之者哉不責於人所不能

司士貶告於子游曰請襲於牀時失之也禮子游曰諾

縣子聞之曰汰哉叔氏專以禮許人也富言禮然言諾非

宋襄公葬其夫人醯醢百襲曾子曰旣曰明器矣而又

實之言名之爲明器而與祭器皆實之是亂鬼器與人

亦非

孟獻子之喪

獻子魯大夫仲孫蔑

司徒旅歸四布

旅下土也司徒使下土歸四方

之賻布○愚按周官州長黨正閭師各掌其地之喪紀是司徒之屬也旅陳也陳列四方之布歸之詩云殺核

維夫子曰可也

時人皆貪善其能廉

讀贈曾子曰非古也是再告也

曾子言喪禮袒而讀贈賓致命將行主人之吏

又讀贈所以存錄之○愚按此自爲章舊木誤連上章非也此類極多餘不悉著

成子高寢疾

成子高齊大夫國成伯高父也

慶遺入請曰子之病革矣

如至乎大病則如之何

觀其意革急也遺慶封之族

子高曰吾聞之

也生有益於人死不害於人吾縱生無益於人吾可以

死害於人乎哉我死則擇不食之地而葬我焉

不食謂不墾耕

○愚按息土謂之食地鄭語食溱洧是也

子夏問諸夫子曰居君之母與妻之喪居處言語飲食

行爾

衍爾自得貌爲小君惻隱不能至○愚按此有問無答蓋闕文

賓客至無所館夫子曰生於我乎館死於我乎殯

仁者不厄

人

國子高曰葬也者藏也藏也者欲人之弗得見也是故

衣足以飾身棺周於衣槨周於棺土周於槨

言皆所以爲深遂難

人發見之也國子高成于高也成諡也

反壤樹之哉

反覆也怪不如大古也而反封樹之意在

於儉非周禮

孔子之喪有自燕來觀者舍於子夏氏子夏曰聖人之

葬人與人之葬聖人也子何觀焉

與及也○愚按富從王肅聖人之葬人與

絕昔者夫子言之曰吾見封之若堂者矣

封築土爲壘堂形四方而

高見若坊者矣

坊形旁殺平上而長見若覆夏屋者矣

覆謂茨瓦也夏屋今

之門廡也其形旁廣而卑

見若斧者矣

斧形旁殺刃上而長

從若斧者焉

孔子

刃上難登狹又易爲功

馬鬣封之謂也

俗間名

今一日而三斬板而

已

封板蓋廣二尺長六尺斬板謂斷莫縮也三斷止之

愚按莫縮者爾雅釋詁云貉縮綸也郭注綸者繩也是則莫縮卽貉縮聲之轉也斷莫縮卽謂斬斷其繩耳

尙行夫子之志乎哉

尙庶幾也

婦人不葛帶

婦人質不變重者至期除之卒哭變絰而已。愚按婦人不葛帶明葛絰也。然則男

子不葛絰而為帶矣。皆謂卒哭時也。然此婦人居齊斬之服者耳。若大功以下輕至卒哭並變為葛與男子同。

有薦新如朔奠

重新物為之殷奠。○疏云薦新謂未葬

葬前月朔大奠於殯宮者大奠則牲饌豐也。大夫以上則朔望大奠若士但朔而不望。

既葬各以其服除

卒哭當變衰麻者變之或有除者不視主人。

池視重霤

如屋之有承霤也。承霤以木為之。用行水亦柳宮象也。以竹為池衣以青布。縣

銅魚焉。今宮中有承霤云以銅為之。

君即位而為棨

棨謂地棺親尸者。棨堅著之言。歲一漆也。言天子棨內又有水兒革棺。

之成然藏焉

虛之不令。○愚按令善也。言必藏物於其中。○陸德明曰令本又作合。謂虛之但不

以蓋合其上不欲  
人見故藏焉亦通

復楔齒綴足飯設飾帷堂並作

設飾謂遷尸又加新衣

父兄命赴

者

謂大夫以上者士主人親命之。方氏苞曰赴於君則大夫亦宜親命赴者父兄不得代赴於族姻則孝

子心絕志摧豈能一一親命即士亦必委之父兄不得以士喪禮惟載赴於君而謂凡所赴皆親命以大夫喪

禮既亡遂強定父兄命赴爲大夫之禮而赴於君亦不親命也

君復於小寢大寢小祖大祖庫門四郊

尊者求之備也亦他日所嘗有

事○愚按庫門諸侯外門也知此君謂諸侯矣戴震曰天子諸侯皆三朝三門皋門天子外門庫門諸侯外門

禮家天子五門之說失其傳也愚謂此以庫門四郊連文則戴說信矣

喪不剝奠也與祭肉也與

剝猶保也有牲肉則巾之爲其久設塵埃加也脯醢之奠

不巾○愚按剝落盡也初喪薦饋無  
虛時食也祭肉也更設之不令窮盡

既殯旬而布材與明器木工宜乾腊且  
豫暴材梓材也

朝奠日出夕奠逮日陰陽交接  
庶幾遇之父母之喪哭無時使必

知其反也謂既練或時為君服金革之事反必有祭○  
愚按哭無時注謂既練以後是也或以為卒

哭後  
恐非

練練衣黃裏線線小祥練冠練中衣以黃為內線為節  
黃之色卑於纁纁之類明外除○

陸德明曰纁淺赤色今之紅也葛要經繩履無絢角瑱瑱充耳也吉時  
以玉人君有瑱

鹿裘衡長祛衡當為橫字之誤也祛謂衰緣袂口也練  
而為裘橫廣之又長之又為祛則先時狹

短無祛可知祛褻之可也褻表裘也有祛而褻之備節  
也玉藻曰麤裘青豸衰絺衣

吉時麤裘  
上



以芻之鹿裘亦用絞乎。  
愚按衽芻明卽吉有漸。

有殯聞遠兄弟之喪雖總必往親骨肉也非兄弟雖鄰不往

疏無所識其兄弟不同居者皆弔就其家弔之成恩舊

親也生者也既識生者則雖其兄弟不同居者死吾皆當往

弔謂弔此所識者也兄弟不同居謂小功以下親也此節皇氏以爲別更起文不違有殯之事是也

天子之棺四重尙深遠也諸公三重諸侯水兕革棺被

之其厚三寸以水牛兕牛之革以爲棺被革柩棺一所

梓棺二所謂屬四者皆周周而也凡棺棺束

縮二衡三衽每束一衡亦當爲橫衽今小柏椁以端長

六尺

以端題湊也其方蓋一尺○  
陸德明日題頭也湊聚也

天子之哭諸侯也爵弁絰紒衣

服士之祭服以哭之明  
為變也天子至尊不見

尸柩不弔服麻不加於采此言絰衍字也時人閒  
有弁絰因云之耳周禮王弔諸侯弁絰總衰也

或曰

使有司哭之非也哀戚之  
事不可虛

為之不以樂食

蓋謂殯  
斂之閒

天子之殯也菽塗龍輶以椁

菽木以周龍輶加椁而塗  
之天子殯以輶車畫轅為

龍加斧于椁上畢塗屋

斧謂之黼白黑文也以刺繡於  
繆幕加椁以覆棺已乃屋其上

蓋塗之○愚按菽叢也椁即菽木為之塗其四面而上  
不塗加斧其上然後畢塗之又屋之顏柳曰天子龍輶

而椁轉屋即轉也注謂屋  
其上豈仍菽木以為屋歟

天子之禮也

唯天子之喪有別姓而哭

使諸侯同姓異姓庶姓相從  
而為位別於朝觀來時朝觀

尚同  
同位

魯哀公誅孔丘曰天不遺耆老莫相予位焉嗚呼哀哉

尼父

誅其行以爲諡也莫無也相佐也言孔子死無佐助我處位者尼父因其字以爲之諡

國亡大縣邑公卿大夫士皆厭冠哭於大廟三日君不

舉

軍敗失地以喪歸也厭冠今喪冠其服未聞

或曰君舉而哭於后土

后土社也

○愚按曰君舉者非

孔子惡野哭者

爲其變眾周禮衛牧氏掌禁野叫呼歎鳴於國中者行歌哭於國中之道者○

陳注云所知哭諸野亦必設位帷之以成禮

未仕者不敢稅人如稅人則以父兄之命

不專家財也稅謂遺於人

疏云如稅人  
謂已仕者也

士備入而后朝夕踊

備猶盡也國君之喪嫌主人哭入則踊

祥而縞

縞冠素

是月禫徙月樂

言禫明月可以用樂○方氏苞曰二十四月期

是月而樂作如此則與二十五而畢及中月而禫皆

背不相

君於士有賜帟

帟幕之小者所以承塵賜之則張於殯上大夫以上幕人職供焉

### 檀弓下第四

君之適長殯車三乘公之庶長殯車一乘大夫之適長

殯車一乘

皆下成人也自上而下降殺以兩成人遣車五乘長殯三乘下殯一乘尊卑以此差之庶

子言公卑遠之傳曰大功之殤中從上  
○愚按公亦君耳蓋皆五等諸侯矣

公之喪諸達官之長杖

謂君所命雖有官職不達於君則不服斬

君於大夫將葬弔於宮及出命引之三步則止

以義奪孝子宮

殯宮出謂柩已在路○方氏苞曰注云以義奪孝子非也送葬必執引君於臣不親執故命引以爲禮弔曰寡

君承事蓋弔喪以相助執事爲義雖君於臣亦然

如是者三君退

退去也三命引之凡移九

步朝亦如之哀次亦如之

君弔不必於宮朝喪朝廟也次他日賓客所受大門外舍

也孝子至此而哀

君或於是弔焉

五十無車者不越疆而弔人

氣力始衰

季武子寢疾疇固不說齊衰而入見曰斯道也將亡矣

上唯公門說齊衰

季武子魯大夫季孫夙也世爲上卿強且專政國人事之如君

禮不喪之矯失

武子曰不亦善乎君子表微

時無如之何伴若善

俗也道猶禮也

及其喪也會點倚其門而歌

明已不與也點字哲曾參父○方氏

明也

苞曰以其死爲快也

辭猶告也擯者以主人有事

大夫弔當事而至則辭焉

告也主人無事則爲大夫出

弔於人是日不樂

君子哀樂不同日子

於是日哭則不歌

婦人不越疆而

弔人

不通於外行弔之日不飲酒食肉焉

以全弔於葬者必

執引若從柩及壙皆執紼

示助之以力車曰引棺曰紼從柩羸者○疏云從柩者是

執引所餘羸長者何東山云天子千人諸

喪公弔之

侯五百人大夫三百人土五十人羸數外也

必有拜者

往謝之

雖朋友州里舍人可也

謂無主後

弔曰寡君

承事

示亦爲執事來

主人曰臨

君辱臨其臣之喪

君遇柩於路必使人

弔之

君於民臣有父母之恩

大夫之喪庶子不受弔

不以賤者爲有爵者主

妻之昆弟爲父後者死哭之適室

以其正也

子爲主袒免哭

踊

親者主之

夫入門右

北面辟正主○愚按據申詳哭言思當婦人爲主也又夫者對妻之稱則

是當妻爲主矣今日子爲主未詳也又按禮女子適人爲昆弟之爲父後者不降而甥爲舅服總以親而言亦

當妻主之

使人立於門外告來者狎則入哭

狎相習知者

父在哭

於妻之室

不以私喪干尊

非爲父後者哭諸異室

有殯聞遠兄弟之喪哭于側室

嫌哭殯

無側室哭于門內

之右

近南者爲之變位

同國則往哭之

喪無外事

子張死曾子有母之喪齊襄而往哭之或曰齊襄不以

弔

以其無服非之

曾子曰我弔也與哉

於朋友哀痛甚而往哭之非若凡弔○愚按有

殯聞遠兄弟之喪雖總必往曾子於子張蓋比於兄弟之親不可以常禮非之不然三年之喪而弔哭既問諸夫子矣豈猶身爲非禮

有若之喪悼公弔焉

悼公薨哀公之子

子游擯由左

擯相侑喪禮者喪禮

廢亡時人以爲此儀當如詔辭而皆由右相是善子游正之孝經說曰以身擯侑

齊穀王姬之喪

穀當爲告聲之誤也王姬周女齊襄公之夫人

魯莊公爲之大

功或曰由魯嫁故爲之服姊妹之服或曰外祖母也故



爲之服

春秋周女由魯嫁卒服之如內女服姊妹是也天子爲之無服嫁於王者之後乃服之莊公齊

襄公女弟文姜之子當爲舅之妻非外祖母也外祖母又小功也○愚按齊襄夫人之非莊公外祖母時人豈

得不知而或曰外祖母者疑此王姬或非襄公夫人歟

晉獻公之喪秦穆公使人弔公子重耳

獻公殺其世子申生重耳辟難

出奔是時在崔就弔之

且曰寡人間之亡國恆於斯得國恆於斯

言在喪雖吾子儼然在憂服之中喪亦不可久也時亦

不可失也孺子其圖之

物上之圖其大內之喪謂亡失位孺穉也以告舅犯

舅犯重耳之舅舅犯曰孺子其辭焉喪人無寶仁親以

狐偃也字子犯爲寶寶謂善道可守者仁親親行仁義○愚按仁親愛慕其親也皆稱孺子者蓋新在喪之稱父死

之謂何又因以爲利欲反國求爲而天下其孰能說之

孺子其辭焉說猶解也公子重耳對客曰君惠弔亡臣重耳

身喪父死不得與於哭泣之哀以爲君憂謝父死之謂

何或敢有他志以辱君義他志謂利心稽顙而不拜哭而起

起而不私子顯以致命於穆公使者公子繫也盧氏云古者名字相配顯當作

顯○愚按名字相配如高子臯稱季臯原憲稱仲憲叔仲皮仲衍之屬皆是然如此則子顯又當爲繫鞶矣

穆公曰仁夫公子重耳夫稽顙而不拜則未爲後也故

不成拜哭而起則愛父也起而不私則遠利也

帷殯非古也白敬姜之哭穆伯始也穆伯魯大夫季悼子之公甫靖也

敬姜穆伯妻文伯歌之母也禮朝夕哭不帷○愚按此善哭夫得禮

喪禮哀戚之至也節哀順變也君子念始之者也始猶生也

念父母生己不欲傷其性

復盡愛之道也有禱祠之心焉復謂招魂且分禱五祀庶幾其精氣之反○愚

按招魂卽是祈禱其生不必言分禱五祀禱五祀在生存時也望反諸幽求諸鬼神之道也鬼神處幽間望其從鬼神所來

北面求諸幽之義也鄉其所從來也禮復者升

屋北

拜稽顙哀戚之至隱也稽顙隱之甚也隱痛也稽顙者觸地無容○愚

按拜字讀斷言拜與稽顙二者並是哀戚至痛而稽顙尤爲痛之甚

飯用米只弗忍虛也不以食道用美焉爾尊之也食道

愚按言不取飲食之道但以其美潔之物用之

銘明旌也神明之精以死者爲不可別已故以其旗識之不可

別形貌不見也愚按銘名也旌表也別分辨也以旗識之所以別也愛之斯錄之矣敬之

斯盡其道焉耳謂重與奠也與也愚按此二句申明上

爲銘之注不合疑誤重主道也始死未作主以重主其神也重既

主用桑練殷主綴重焉綴猶聯也殷人作主而聯其

主用栗主重徹焉周人作主徹重埋之

奠以素器以生者有哀素之心也哀素言哀痛無飾唯也凡物無飾曰素

祭祀之禮主人自盡焉爾豈知神之所饗亦以主人有

齊敬之心也

哀則以素敬則以飾禮由人心而已○愚按始死以人事之故無尸而奠葬後以神

事之故爲

尸而祭

辟踊哀之至也有算爲之節文也

算數也

祖括髮變也愠哀之變也去飾去美也祖括髮去飾之

甚也有所祖有所襲哀之節也

○愚按哀極而愠恚是其情之變也○疏云哀

甚則祖哀

輕則襲

弁經葛而葬與神交之道也

接神之道不可以純凶天子諸侯變服而葬冠素弁

以葛爲環經既虞卒哭乃服受服也雜記曰凡弁經其  
襄侈袂○愚按神謂山川土神也以理推之既虞便當

反服受服不待卒哭也謂變服葬獨天子諸侯亦無文

有敬心焉

踰時哀衰而敬生敬則服有飾

大夫士三月而葬未踰時○庶民改敬敬神耳

周人弁而葬殷人冔而葬

俱象祭冠而素禮同也

歆主人主婦室老爲其病也君命食之也

尊者奪人易也歆歆粥也

反哭升堂反諸其所作也

親所行禮之處

主婦入于室反諸其

所養也

親所饋食之處○疏云此皆謂在廟也下反哭之弔亦在廟

反哭之弔也哀之至也反而亡焉失之矣於是爲甚

哀痛

其般旣封而弔周反哭而弔

封當爲窆窆下棺也

孔子曰般已慤

吾從周

慤者得哀之始未見其甚

葬於北方北首三代之達禮也之幽之故也

北方國北也

既封主人贈而祝宿虞尸

贈以幣送死者於殯也于主人贈祝先歸○宿讀爲肅

既反哭主人與有司視虞牲

日中將虞省其牲

有司以几筵舍

奠於墓左反日中而虞

所使奠墓有司來歸乃虞也舍奠墓左爲父母形體在此禮其

神也周禮家人凡祭墓爲尸

○愚按此禮如今祠土神

葬日虞弗忍一日離也

弗忍其無所歸

是日也以虞易奠

虞喪祭也

卒哭曰成事

既虞之後卒哭而祭其辭蓋曰哀薦成事成祭事也祭以吉爲成○方氏苞曰疏先

儒以第三虞與卒哭同是一事鄭據雜記上大夫虞用少牢卒哭用太牢破之以爲三虞後更有卒哭之祭按上虞禮三虞曰哀薦成事而別無卒哭之文則第三是虞卽卒哭明矣記多舛駁恐未可據以破儀禮也

日也以吉祭易喪祭

卒哭吉祭○愚按士虞記賈疏云卒哭爲吉祭者喪中自相對若據

二十八月後吉祭而言則禫祭以前總爲喪祭也

明日耐于祖父

祭告於其祖之廟其

變而之吉祭也比至於耐必於是日也接不忍一日末

有所歸也

未無也日有所用接之虞禮所謂他用剛日也其祭祝曰哀薦曰成事○愚按此言變者

變於正禮卽喪服小記云赴葬者赴虞三月而后卒哭也其間日月尙除故疏云之往也旣虞往至吉祭其禮如何旣虞比至於耐以來必於是日接謂於是三虞卒哭之間剛日而速接其祭所以恆用剛日接之者孝子不忍使親每一日之間無所歸依又云

般練而耐周卒

哭而耐孔子善般

期而神之人情

君臨臣喪以巫祝桃茢執戈惡之也

爲有凶邪之氣在側君聞大夫之喪



去樂卒事而往未襲也其曰襲則止巫去桃茢桃鬼所  
惡茢萑萑可埽不祥○茢杜預云黍稷也鄭注周禮云  
苾所以異於生也生人無凶邪喪有死之道焉言人之死有  
狀鳥獸之先王之所難言也聖人不明說爲人甚惡之  
死人賤之一章不合斷文另起○愚按此二句應與上爲

喪之朝也順死者之孝心也朝謂遷柩於廟其哀離其室也故

至於祖考之廟而后行殷朝而殯於祖周朝而遂葬

孔子謂爲明器者知喪道矣備物而不可用也神與人異道則

不相傷哀哉死者而用生者之器也不殆於用殉乎哉殆

也殺人以衛死者曰殉其曰明器神明之也神明死者異於生人  
用其器者漸幾於用人

塗車芻靈自古有之

芻靈束茅爲人馬謂之靈者神之類

明器之道也

與

明器

孔子謂爲芻靈者善謂爲俑者不仁不殆於用人

乎哉

俑偶人也有面目機發有似於生人孔子善古而非周

穆公問於子思曰爲舊君反服古與

仕焉而已者穆公魯哀公之曾孫

子思曰古之君子進人以禮退人以禮故有舊君反服

之禮也今之君子進人若將加諸膝退人若將隊諸淵

毋爲戎首不亦善乎又何反服之禮之有

言放逐之臣不服舊君也

爲兵主來攻伐曰戎首

悼公之喪季昭子問於孟敬子曰爲君何食

悼公魯哀公之子昭

子康子之曾孫名強

敬子武伯之子名捷敬子曰食粥天下之達禮也吾三

臣者之不能居公室也四方莫不聞矣

言鄰國皆知吾等不能居公室

以臣禮事君也三臣仲孫叔孫季孫氏

方氏也曰居公室者次於公館以終喪也勉而爲瘠則

吾能毋乃使人疑夫不以情居瘠者乎哉我則食食

存時

不盡忠喪又不盡禮非也孔子曰喪事不敢不勉

衛司徒敬子死

司徒官氏公子許之後

子夏弔焉主人未小斂經

而往子游弔焉主人既小斂子游出經反哭

皆以朋友之禮往而

二人異。愚按與湯表帶經同此有經無帶凡單言經則知有帶也

子夏曰聞之也與曰

聞諸夫子主人未改服則不經

曾子曰晏子可謂知禮也已恭敬之有焉言禮者敬而已矣有

若曰晏子一狐裘三十年遺車一乘及墓而反國君七

个遺車七乘大夫五个遺車五乘晏子焉知禮言其大儉

非之及墓而反言其既窆則歸不留賓客有事也人臣賜車馬者乃得有遺車遺車之差大夫五諸侯七則天子九諸侯不以命數喪禮略也个謂所包

遺奠牲體之數也雜記曰遺車視牢具曾子曰國無

道君子恥盈禮焉國奢則示之以儉國儉則示之以禮

時齊方奢矯之是也

國昭子之母死問於子張曰葬及墓男子婦人安位國昭

子齊大夫子張曰司徒敬子之喪夫子相男子西鄉婦人東

鄉

夾義道爲位也夫子孔子也

曰噫母

噫不寤之聲母禁止之辭

曰我喪也斯沾

也沾讀曰覘覘視也國昭子自謂齊之大家有事人盡

視之欲人觀之法其所爲○愚按曰噫句絕母字連下

讀斯語辭也沾益也母曰我喪爾專之賓爲賓焉主爲

而增益於人言欲循故事也

主焉專猶同也時子張相○愚按專謂專主其事鄭蓋讀專若團

婦人從男子皆西

鄉也非

穆伯之喪敬姜晝哭文伯之喪晝夜哭孔子曰知禮矣

喪夫不夜哭嫌思情性也

文伯之喪敬姜據其牀而不哭曰昔者吾

有斯子也吾以將爲賢人也

蓋見其有才藝

吾未嘗以就公室

未嘗與到公室觀其行也季氏魯之宗卿敬姜有曾見之禮○方氏包曰古者小學在公宮南之左周官師氏

居虎門之左國之貴游子弟學焉侯國制應同文伯  
少孤豈敬姜未使就學於公宮南而至是始悔與今

及其死也朋友諸臣未有出涕者而內人皆行哭失聲

斯子也必多曠於禮矣夫

內人妻妾

季康子之母死陳褻衣

褻衣非上服陳之將以斂

敬姜曰婦人不飾

不敢見舅姑將有四方之賓來褻衣何爲陳於斯命徹

之

言四方之賓嚴於舅姑敬姜者康子從祖母

有子與子游立見孺子慕者有子謂子游曰予壹不知

夫喪之踊也予欲去之久矣情在於斯其是也夫

喪之踊猶

孺子之號慕○愚按孺子號慕躍足隨人有似乎  
踊有子見其狀而後悟斯謂踊也是謂孺子也  
子游

曰禮有微情者

踊節哭

有以故興物者

衰經之制

有直情而徑

行者戎狄之道也

哭踊無節衣服無制

禮道則不然

與戎狄異

人喜則

斯陶

陶鬱陶也

陶斯咏

咏謳也

咏斯猶

猶當爲搖聲之誤也搖謂身動搖也秦人猶搖

謂身動搖也秦人猶搖

聲相

猶斯舞

之舞

舞斯愠

愠猶怒也

愠斯戚

戚憤也陸德明曰此喜怒哀

樂相對本或於此句上無舞斯愠一句并注

皆衍文○愚按疏引盧王諸本或與鄭不同

戚斯歎

歎吟

息歎斯辟

辟拊心

辟斯踊矣

成禮人死斯惡之矣無能也斯倍之矣

無能謂心之

品節斯斯之謂禮

有節乃

是故

制絞衾設薰髮爲使人勿惡也

絞衾尸之飾薰髮棺始

死脯醢之奠將行遣而行之既葬而食之

將行將葬也

將行將葬也

將行將葬也

將行將葬也

將行將葬也

將行將葬也

死脯醢之奠將行遣而行之既葬而食之

將行將葬也

將行將葬也

將行將葬也

將行將葬也

將行將葬也

將行將葬也

死脯醢之奠將行遣而行之既葬而食之

將行將葬也

將行將葬也

將行將葬也

將行將葬也

將行將葬也

將行將葬也

反虞未見其饗之者也自上世以來未之有舍也爲  
之祭舍猶廢也使人勿倍也舍猶廢也故子之所刺於禮者亦非禮之訾也

訾病也

吳侵陳斬祀殺厲

祀神位有屋樹者厲疫病吳侵陳以魯哀元年秋

師還出竟

陳大宰嚭使於師夫差謂行人儀曰是夫也多言盍嘗

問焉師必有名人之稱斯師也者則謂之何

大宰行人官名也夫

差吳子光之子盍何不也嘗猶試也夫差修舊怨庶後其師有善名○洪邁曰記者簡錯當云陳行人儀使於

師夫差謂大宰嚭曰

古之侵伐者不斬祀不殺厲不獲

二毛

獲謂係虜之二毛髮斑白

今斯師也殺厲與其不謂之殺厲



之師與

欲微切之故其言似若不審然正言殺厲重大

曰反爾地歸爾子則謂

之何

子謂所獲民臣

曰君王討敝邑之罪又矜而赦之師與有

無名乎

又微勸之終其意吳楚僭號稱王

顏丁善居喪

顏丁魯人

始死皇皇焉如有求而弗得及殯望

望焉如有從而弗及既葬慨焉如其反而息

從也

德貌

子張問曰書云高宗三年不言言乃讙有諸

時人君無行三年之

喪禮者問有此與怪之也謹喜說也言乃喜說則民臣望其長久

仲尼曰胡爲其不然

也古者天子崩王世子聽於冢宰三年

冢宰天官卿貳王事者三年之

聽朝

知悼子卒未葬

悼子晉大夫荀盈魯昭九年卒

平公飲酒

與羣臣燕平公晉侯彪

師曠李調侍

侍與君飲也燕禮記曰請旅侍臣

鼓鐘

樂作也燕禮賓入門奏肆夏既獻而

樂闕獻君亦如之

杜蕢自外來聞鐘聲曰安在

怪之也杜蕢曰或作屠蒯

正寢

燕於寢杜蕢入寢歷階而升酌曰曠飲斯又酌曰調

飲斯又酌堂上北面坐飲之降趨而出

三酌皆罰

平公呼而

進之曰蕢曩者爾心或開予是以不與爾言

曩曩也謂始來入時

閒謂諫爭有所發起

爾飲曠何也曰子卯不樂

紂以甲子死桀以乙卯亡王者謂之

疾日不以舉樂爲吉事所以自戒懼○顧炎武曰甲子乙卯但言子卯省文也翼奉乃謂子爲貪狼卯爲陰賊

是以王者忌子卯禮經避之春知悼子在堂斯其爲子

秋諱焉此術家之說非經意也

卯也大矣言大臣喪重於疾日也雜記曰君於卿大夫比葬不食肉比卒哭不舉樂曠也大

師也不以詔是以飲之也

詔告也大師典奏樂

爾飲調何也曰調

也君之喪臣也爲一飲一食忘君之疾是以飲之也

言調

貪酒食褻嬖也近臣亦當規君疾憂

爾飲何也曰賁也宰夫也非刀匕是

共又敢與知防是以飲之也

防禁放溢

平公曰寡人亦有過

焉酌而飲寡人

則服義

杜蕢洗而揚觶

舉爵於君也禮揚作勝揚舉也賤送

也揚近得之

公謂侍者曰如我死則必毋廢斯爵也

欲後世以爲戒

至于今旣畢獻斯揚觶謂之杜舉

此爵遂因杜蕢爲名畢獻獻賁與君

公叔文子卒

文子衛獻公之孫名拔或作發

其子戌請諡於君曰日月

有時將葬矣請所以易其名者

諡者行之迹有時猶言有數也大夫士三月而

葬君曰昔者衛國凶饑夫子爲粥與國之餓者是不亦

惠乎

君靈公也

昔者衛國有難夫子以其死衛寡人不亦貞

乎

難謂魯昭公二十年盜殺衛侯之兄絜也時齊豹作亂公如死鳥

夫子聽衛國之政

脩其班制以與四鄰交衛國之社稷不辱不亦文乎

班制

謂尊卑之差

故謂夫子貞惠文子

後不言貞惠者文足以兼之

石駘仲卒

駘仲衛大夫石碯之族

無適子有庶子六人卜所以爲

後者

莫適立也

曰沐浴佩玉則兆

言齊潔則得吉兆

五人者皆沐浴

佩玉石祁子曰孰有執親之喪而沐浴佩玉者乎不沐

浴佩玉

心正且知禮

石祁子兆衛人以龜爲有知也

陳子車死於衛其妻與其家大夫謀以殉葬

子車齊大夫

定

而后陳子亢至以告曰夫子疾莫養於下請以殉葬

子亢

子車弟孔子弟子下地○愚按下謂婢妾也殉葬多以賤者

子亢曰以殉葬非禮也

雖然則彼疾當養者孰若妻與宰得已則吾欲已不得

已則吾欲以二子者之爲之也

度諫之不能止以斯言拒之已猶止也

於

是弗果用

果

子路曰傷哉貧也生無以爲養死無以爲禮也孔子曰

啜菽飲水盡其歡斯之謂孝斂手足形還葬而無槨稱

其財斯之謂禮還猶疾也謂不及其日月○愚按菽豆

衛獻公出奔反於衛及郊將班邑於從者而后入欲賞

以懼居者獻公以魯襄十四年柳莊曰如皆守社稷則

孰執羈勒而從如皆從則孰守社稷言從守若君反其

國而有私也毋乃不可乎言有私則生怨弗果班

衛有大史曰柳莊寢疾公曰若疾革雖當祭必告革急也

公再拜稽首請於尸曰有臣柳莊也者非寡人之臣社

稷之臣也聞之死請往急甲賢者○愚按聞之死請往此即請於尸之辭輟祭而往非

禮不釋服而往遂以禭之脫君祭服以禭臣親賢也所以此禭之者以其不用襲也

凡禭與之邑

裴縣潘邑名

孫母變也

所以厚賢也

陳乾昔寢疾屬其兄弟而命其子尊己曰如我死則必

大爲我棺使吾二婢子夾我

婢子妾也

陳乾昔死其子曰以

殉葬非禮也況又同棺乎弗果殺

善尊己不陷父於不義

仲遂卒于垂玉牛猶釋萬入去籥

春秋經在宣八年仲遂魯莊公之子東門

襄仲先日辛巳有事於大廟而仲遂卒明日而釋非也萬千舞也籥籥舞也傳曰去其有聲者廢其無聲者○

思按萬舞之總名也

仲尼曰非禮也卿卒不釋

季康子之母死公輸若方小

公輸若匠師方小言

斂般

請以機封

斂下棺於椁般若之族多技巧者見若掌斂事而年尚幼請代之而欲嘗其技巧

將

從之

時人服巧

公肩假曰不可夫魯有初

初謂

公室視豐

碑

言視者時僭天子也豐碑斲大木爲之形如石碑於椁前後四角樹之穿中於開爲鹿盧下棺以緯繞天

子六緯四碑前

三家視桓楹

時僭諸侯諸侯下天子也

後各重鹿盧也

斲之形如大楹耳四植謂

大夫二緯

二碑如桓矣

般爾以人之母嘗巧則

豈不得以

以已字言寧有強使女者與僭於禮

其母以

嘗巧者乎則病者乎

母無也於女寧有病苦與止之○齊召南曰按今讀則豈不得以其

此以嘗巧者乎十二字爲句蓋鄭以母字爲母音而今

讀如字也又一讀則豈不得爲句以其母以嘗巧者乎



亦不寤  
通噫之聲  
弗果從

戰于郎齊魯近邑也哀十一年公叔禺人遇負杖入保

者息遇見也見走辟齊師將入保罷倦加其杖頸上兩

傳曰公叔務人○愚按杖謂兵械也負杖猶曳兵也曰使之雖病也謂時任之雖

重也謂時君子不能為謀也士弗能死也不可君子謂

也魯政既惡復無謀臣士賦稅我則既言矣欲敵齊師與其

鄰重汪錡往皆死焉奔敵死齊寇鄰鄰里也重皆當為

為談春秋傳童童未冠者之稱姓汪名錡鄰或魯人欲勿殤重汪錡見其死君事有土行

言魯人者死君童童未冠者之稱姓汪名錡鄰或問於仲尼仲尼曰能執干戈以衛社稷

事以為倣葬

雖欲勿殤也不亦可乎善之

子路去魯謂顏淵曰何以贈我贈送曰吾聞之也去國則

哭于墓而後行反其國不哭展墓而入無君事主於孝

之視謂子路曰何以處我處猶安也○愚按處居也言何以贈居者子路曰吾

聞之也過墓則式過祀則下居者主於敬

工尹商陽與陳弃疾追吳師及之工尹楚官名弃疾楚公子弃疾也以魯昭

八年帥師滅陳縣之楚人善之因號焉至十二年楚子

狩於州來使蕩侯潘子司馬督囂尹午陵尹喜圍徐以

擢吳於時有吳師陳弃疾謂工尹商陽曰王事也子手  
陳或作陵楚人聲弓而可手弓子射諸人謂陽仁不忍傷人以王事勸之射之斃一人韞弓

不忍復射斃又及謂之又斃二人每斃一人拚其目

其拚

視之止其御曰朝不坐燕不與殺三人亦足以反命

矣朝燕於寢大夫坐於上士立於下然則商陽與御者皆士也兵車參乘射者在左戈盾在右御在中央

孔子曰殺人之中又有禮焉

善之

諸侯伐秦曹桓公卒于會魯成十三年曹伯廬卒於師是也廬諡宣言桓聲之誤也

諸侯請含以朋友有相啖食之道使之襲非也襲賤者之事襄公朝于荆

康王卒在魯襄二十八年康王楚子昭也楚言荆者州言之荆人曰必請襲欲使襄公

之衣魯人曰非禮也荆人強之欲尊巫先拂柩荆人悔之

巫祝桃列君臨臣喪之禮○愚按康王殯已久乃今請襲者謂加衣於殯非爲尸加衣故云拂柩傳云被殯而

禮是也

滕成公之喪

魯昭三年

使子叔敬叔弔進書

子叔敬叔魯宣公弟叔肸之曾

孫叔弓也進書奉君弔書

子服惠伯爲介

惠伯慶父玄孫之子名椒介副也

及郊爲

懿伯之忌不入

也敬叔有近郊也懿伯惠伯之叔父忌怨也敬叔有怨於懿伯難惠伯也春秋傳

曰敬叔不入

惠伯曰政也不可以叔父之私不將公事

命政君所

爲敬叔於昭穆以懿伯爲叔父○疏云此注後人轉寫之誤當云敬叔於昭穆以惠伯爲叔父○昭三年左傳疏云懿伯惠伯之叔父爲人所殺及滕郊遇懿伯之忌逢其警也敬叔不入以禮惠伯欲使爲叔父報警惠伯以公義不可先入受館記文雖字有小異意與傳同而鄭注云云是其謬也○愚按彼疏可正此注之失遂人惠伯強入之乃入

哀公使人弔賁尙遇諸道辟於路畫宮而受弔焉

哀公魯君

也畫宮畫地爲宮象曾子曰賁尙不如杞梁之妻之知禮也

行弔禮於

野齊莊公襲莒于奪杞梁死焉

魯襄二十三年齊侯襲莒是也春秋傳曰杞殖

或爲兌梁卽殖也○愚按奪讀如字其妻迎其柩於

路而哭之哀莊公使人弔之對曰君之臣不免於罪則

將肆諸市朝而妻妾執

肆陳尸也大夫以上於朝士以下於市執拘也君之臣

免於罪則有先人之敝廬在君無所辱命

無所辱命辭不受也春秋

傳曰齊侯弔諸其室

孺子贛之喪

魯哀公之少子

哀公欲設撥

撥可撥引輜車所謂編○方氏憇曰爲揄

沈故設撥則是以手撥榆沈而灑於道也鄭以爲紼失之問於有若有若曰其可也

君之三臣猶設之

猶尙也以臣況子也三臣仲孫叔孫季孫氏

顏柳曰天子

龍輻而惇

輻輳也畫輻爲龍輻也輳以惇覆棺而塗之所謂葦塗龍輻以惇

諸侯

輻而設

輻輳也畫輻爲龍輻也輳以惇覆棺而塗之所謂葦塗龍輻以惇

沈故設撥以水澆榆白皮之汁有急以播地於引輻車滑

三臣者廢輻而設撥竊禮之不中者也而君何學焉

止其

學非禮也廢去也紼繫於輻三臣於禮去輻今有紼是川輻偕禮也殯禮大夫葦置西序土掘肆見衽

悼公之母死

母哀公之妾

哀公爲之齊衰有若曰爲妾齊衰

禮與

議而問之妾之貴者爲之總耳

公曰吾得已乎哉魯人以妻我

人皆名之爲我妻重服嬖妾文過非也○愚按公蓋以妾攝女君爲解

季子臯葬其妻犯人之禾

季子臯孔子弟子高柴孟氏之邑成宰或氏季犯躐也

申祥以告曰請庚之

申祥子張子庚償也

子臯曰孟氏不以是罪

予

時僭朋友不以是弃予

言非大故

以吾爲邑長於斯也買

道而葬後難繼也

恃寵虐民非也○方氏苞曰子臯不買道而葬所謂不違道以干百姓之

譽也蓋途次犯禾無多使民以爲富買則傷忠敬之俗

若大有毀於人君子必不爲也宓子治單父齊師將至

父老請曰麥已熟矣請使邑人出自刈傳郭者三請宓

子不許曰寧使齊人刈之使吾民有自取之心其創必

數年不息凡此類皆仲尼之徒

深明於先王以道立民之意也

仕而未有祿者君有饋焉曰獻使焉曰寡君

見在臣位與有祿同

也君有饋違而君薨弗爲服也

以其恩輕也違去也○有饋於君

愚按仕而未有祿陳氏

櫟以爲賓之而勿臣是也君有饋不曰賜尊之也使  
名將命曰寡君白謙也違而弗服皆有賓師之義

虞而立尸有几筵卒哭而諱諱辭生事畢而鬼事始已

謂不復饋食於下室而鬼神祭之已辭也既卒哭宰夫執木鐸以命于宮曰

舍故而諱新故爲高祖之父當遷者也易說帝乙曰易

命疏可同名○疏云鄭引易證六世不諱易說者易緯也

也凡鄭云說者皆緯候也時禁緯候故轉緯爲說也又云書酒誥有帝乙者祖乙也與湯同名是六世不諱○愚按諱起於周自殷以前不諱注引易說及書恐非

自寢門至于庫門百官所在庫門宮外門明堂位曰庫門天子皋門

二名不偏諱夫子之母名徵在言在不稱徵言徵不稱

在稱舉也雜記曰妻之諱不舉諸其側



軍有憂則素服哭於庫門之外

憂謂爲敵所敗也素服者縞冠也

赴車

不載囊輶

兵不載示當報也以告喪之辭言之謂還告於國藁甲衣輶弓衣

有焚其先人之室則三日哭

謂人燒其宗廟哭者哀精神之有虧傷

故曰

新宮火亦三日哭

火人火也新宮火在魯成三年○愚按先人之室蓋是居寢其曰新宮方

是宗廟故中閒加亦字連之明二者皆三日哭

孔子過泰山側有婦人哭於墓者而哀夫子式而聽之

怪其哀甚

使子路問之曰子之哭也壹似重有憂者而曰然

昔者吾舅死於虎吾夫又死焉今吾子又死焉

而猶乃也夫之

父曰舅

夫子曰何爲不去也曰無苛政夫子曰小子識之

苛政猛於虎也

魯人有周豐也者哀公執摯請見之

下賢也摯禽贄也諸侯而用禽贄降

尊就卑之義

而曰不可辭君以尊見卑士禮先

公曰我其已

夫已止也重

使人問焉曰有虞氏未施信於民而民信

之夏后氏未施敬於民而民敬之何施而得斯於民也

時公與三桓始有惡懼將不安

對曰墟墓之間未施哀於民而民哀社

稷宗廟之中未施敬於民而民敬

言民見悲哀之處則悲哀見莊敬之處則

莊敬非必有使之者墟毀滅無後之地○愚

按喻虞夏由身行敬信民見其敬信自學之

而民始畔周人作會而民始疑

會謂盟也盟誓所以結眾以信其後外特眾而

信不由中則民畔疑之孔子曰其身  
正不令而行其身不正雖令不從  
苟無禮義忠信誠

慤之心以涖之雖固結之民其不解乎

涖臨

喪不慮居

謂賣舍宅以奉喪

毀不危身

謂憔悴將滅性

喪不慮居爲無

廟也毀不危身爲無後也

愚按宅舍旣賣廟不獨存

延陵季子適齊於其反也其長子死葬於贏博之間

季子

名札魯昭二十七年吳公子札聘於上國是也季子讓國居延陵因號焉春秋傳謂延陵延州來嬴博齊地今

泰山縣是也

○孔子曰延陵季子吳之習於禮者也往

而觀其葬焉

往弔

其坎深不至於泉

以生

其斂以時服

以行時之服

旣葬而封廣輪拚坎其高可隱也

示節也輪從也

隱據也封可手據謂高四尺所○愚按東既封左袒右

還其封且號者三日骨肉歸復于土命也若魂氣則無

不之也無不之也還圍也號哭且言也命須而行而遂行去

也孔子曰延陵季子之於禮也其合矣乎

邾考公之喪考公隱公益之曾孫考或爲定○顧炎武曰邾隱公當魯哀公之時徐滅已久

定公在魯文宣之時作定爲是徐君使容居來弔含弔且曰寡君使容

居坐含進侯玉其使容居以含欲親含非也含不使賤者君行則親含大夫歸

谷耳言侯玉者時徐僭稱王自比天子○愚按容居出言坐大直妄人耳謂時徐稱王恐未然坐跪也有

司曰諸侯之來辱敝邑者易則易于則于易于雜者未

之有也

易謂臣禮于謂君禮雜者容居以臣欲行君禮徐自比天子使大夫敵諸侯有司拒之○愚按

于迂也

容居對曰容居聞之事君不敢忘其君亦不敢

遺其祖昔我先君駒王西討濟於河無所不用斯言也

容居魯人也不敢忘其祖

言我祖與今君於諸侯初如是不間義則服駒王徐先君

借號容居其子孫也濟渡也言西討渡於河廣大其國

魯魯鈍也言魯鈍者欲自明不妄○困學紀聞五卷云

後漢東夷傳徐夷率九夷以伐宗周西至河上穆王畏

其方熾乃分東方諸侯命徐偃王主之然則檀弓駒王

即偃王歟濟河即所謂西至河上也

子思之母死於衛

嫁母也

赴於子思子思哭於廟門人

至曰庶氏之母死何爲哭於孔氏之廟乎

門人弟子也嫁母與廟絕

族子忠曰吾過矣吾過矣遂哭於他室○愚按聞赴便哭不及致詳於

禮賢者性情過於人遠

天子崩三日祝先服祝佐舍五日官長服官長大七日

國中男女服庶人三月天下服諸侯之大夫也○方氏苞曰

服齊衰三月章謂圻外之民爲天子無服又據總衰七月章謂諸侯之大夫以時接見於天子故有服而士則

無服一注既誤故此注三月天下虞人致百祀之木可

以爲棺槨者斬之虞人掌山澤之官百祀畿內百縣之祀也以爲棺槨作棺槨也斬伐也

不至者廢其祀勿其人○愚按虞人致百祀以下恐不槩於禮自先儒多疑之者

齊大饑黔敖爲食於路以待餓者而食之有餓者索袂

輯履貿貿然來

蒙袂不欲見人也輯斂也斂履力儀不能履也貿貿目不明之貌所以狀其儀

憲甚也○愚按輯斂其履行步蹇也

黔敖左奉食右執飲曰嗟來食揚其

目而視之曰予唯不食嗟來之食以至於斯也

嗟來食雖聞而

呼之非敬辭

從而謝焉終不食而死

從猶就也

曾子聞之曰微與

其嗟也可去其謝也可食

微猶無也無與止其狂狷之辭○愚按微細末也非大過

邾婁定公之時有弑其父者

定公覆且也魯文十四年即位有司以告

公瞿然失席曰是寡人之罪也

民之無禮教之罪

曰寡人嘗學

斷斯獄矣臣弑君凡在官者殺無赦子弑父凡在宮者

殺無赦

言諸臣子孫無尊卑皆得殺之其罪無赦

殺其人壞其室滄其宮而

緒焉明其大逆不欲人復處之豬都也南蓋君踰月而

后舉爵自貶

晉獻文子成室晉大夫發焉文子趙武也作室成晉君

禮以往○陳氏注云疑張老曰美哉輪焉美哉奐焉心

獻文二字皆趙武謚張老曰美哉輪焉美哉奐焉心

其奢也輪輪困言高大與言眾多○王肅云與文章貌

也○愚按張老之言君子謂之善頌注云議其奢恐非

歌於斯哭於斯聚國族於斯祭祀死喪燕會於此足矣

文子曰武也得歌於斯哭於斯聚國族於斯是全要領

以從先大夫於九京也北面再拜稽首全要領者免於

夫之墓地在九原京蓋字之誤當爲原君子謂之善頌

○愚按京高邱也原與京義皆可通



善禱

善頌謂張老之言善禱謂文子之言禱求也

仲尼之畜狗死

畜狗馴守

使子貢埋之曰吾聞之也敝帷不

弃爲埋馬也敝蓋不弃爲埋狗也丘也貧無蓋於其封

也亦予之席毋使其首陷焉

封當爲窆陷謂沒於土

路馬死埋之

以帷

路馬君所乘者其他狗馬不能以帷蓋○愚按此當斷文另起

季孫之母死哀公弔焉曾子與子貢弔焉闈人爲君在

弗內也

闈人守門者

曾子與子貢入於其廄而脩容焉

更莊飾

子貢先入闈人曰鄉者已告矣

既不敢止以言下之

曾子後入闈

人辟之

見兩賢相隨彌益恭也

涉內雷鄉大夫皆辟位公降一等

而揖之

之禮

君子言之曰盡飾之道斯其行者遠矣

○愚按此

章辭意鄙淺似好事者爲之

陽門之介夫死

陽門宋國門名介夫甲衛士

司城子罕入而哭之哀

宋以武公諱司空爲司城子罕戴公子樂甫術之後樂喜也

晉人之覘宋者反報於

晉侯曰陽門之介夫死而子罕哭之哀而民說殆不可

伐也

覘剛視也

孔子問之曰善哉覘國乎

善其知微

詩云凡民有

喪扶服救之

救猶助也

雖微晉而已天下其孰能當之

微猶非也

魯莊公之喪既葬而經不入庫門

時子般弑慶父作亂闕公不敢居喪葬已

吉服而反正君臣欲以防遏之

士大夫既卒哭麻不入

○愚按經葛經也

麻猶經也羣臣畢虞卒哭亦除喪也問公既吉服不與  
虞卒哭○愚按麻麻經也云麻不入豈尙服葛歟或遂  
除服歟記未明言注云  
亦除喪以意言之耳

孔子之故人曰原壤其母死夫子助之沐椁沐治也○愚按沐刷

洒也故訓治原壤登木曰久矣予之不託於音也木椁材也託寄也謂

叩木以歌曰狸首之斑然執女手之卷然說人辭也○劉敞曰狸首

之斑言木文之華也卷與拳同如執女手之夫子爲弗

聞也者而過之伴不從者曰子未可以已乎已猶夫子

曰丘聞之親者毋失其爲親也故者毋失其爲故也

趙文子與叔譽觀乎九原叔譽叔向也晉羊舌大夫之孫名肸文子曰死

者如可作也晉誰與歸

作起也

叔譽曰其陽處父乎

陽處父襄

公之文子曰行并植於晉國不沒其身其知不足稱也

并猶專也謂剛而專己爲狐射姑所殺沒終也植或爲特

其舅犯乎文子曰見利不

顧其君其仁不足稱也

謂久與文公辟難至將反國無安君之心及河授璧詐請亡要

君以利是也

我則隨武子乎利其君不忘其身謀其身不遺

其友

武子士會也食邑於隨范字季○愚按言武子仁且知

晉人謂文子知人

見其

所善於前則知其來所舉

文子其中退然如不勝衣

中身也退柔和貌鄉射記曰弓

二寸以爲侯中揖或爲安

其言訥訥然如不出諸其口

訥訥舒少貌所舉

於晉國管庫之士七十有餘家

管庫之士府史以下官長所置也舉之於君以

為大夫士也管  
鍵也庫物所藏  
生不交利也  
死不屬其子焉

也

叔仲皮學子柳叔仲皮魯叔孫氏之族叔仲皮死其妻

魯人也衣衰而繆經衣當為齋壞字也繆當為不穆垂

鈍其於禮勝學○愚按穆絞也謂兩股相交也五服之經皆然惟弔服環經不繆叔仲衍以告

告子柳言此非也行請總衰而環經總衰小功之縷而

蓋皮之弟衍或為皮請總衰而環經四升半之衰環經

弔服之經時婦人好輕細而多服者衍既不知禮之本○愚按請

謂衍請於曰昔者吾喪姑姊妹亦如斯末吾禁也衍答

子柳也也姑姊妹在室齊衰與婦為舅姑退使其妻總衰而環

同末無也言無禁我欲其言行

婦以請侯之大夫為天子

經之衰弔服之經服其舅非

成人有其兄死而不爲衰者聞子皋將爲成宰遂爲衰

成人曰蠶則績而蟹有匡范則冠而蟬有綏兄則死而

子皋爲之衰蚩兄死者言其衰之不爲兄死如蟹有匡

蟬有綏不爲蠶之績范之冠也范蜂也蟬  
喙長在腹下

樂正子春之母死五日而不食曰吾悔之勉強過禮子

自苦母而不得吾情吾惡乎用吾情惡乎猶於何也○

入口七日而不曰吾悔者情也稍實也大學云無情者

歲旱穆公召縣子而問然然之言焉也曰天久不雨吾

欲暴尫而奚若奚若何如也尫者面曰天則不雨而暴

人之疾子虐母乃不可與

錮疾人之所哀暴之是虐

然則吾欲暴巫

而奚若曰天則不雨而望之愚婦人於以求之母乃已

疏乎

已猶甚也巫主接神亦覲天哀而雨之春秋傳說巫曰在女曰巫在男曰覲周禮女巫旱暵則舞雩

徙市則奚若曰天子崩巷市七日諸侯薨巷市三日爲

之徙市不亦可乎

徙市者庶人之喪禮今徙市是憂戚於旱若喪○愚按徙市者行喪禮以

自罰故可之

孔子曰衛人之祔也離之

祔謂合葬也離之有以閒其椁中

魯人之祔

也合之善夫

善夫善魯人也耐葬當合也